

სახალხო ბაზუქი

სურათმეზიანი ჟამათება

ბაჟათის № 961

ლაგასტის № 169

კვირა, 4 აგვისტო 1913 წ.

ქალწული ყვავილი

ქალწულ ყვავილს ქალწულ ბაღში ქალწულივე ქალი რგავდა,
 მაგრამ თვითონ მონარნარე თვით იმ ნარნარ ყვავილს ჰგავდა;
 ჰგავდა ისე, რომ სიტურფე თვითონ მეც კი, მეც შენწურდა,
 რომ ვერ ვიტყვი: ვარდმა ქალი თუ იმ ქალმა ის გაჰქურდა?!.
 ყვავილს ნამი დაჰხაროდა ნამი სუფთა, ნამი ბროლი,
 ქალს კი სიო ტუჩს უხსნიდა, სიო ზეცით მონაქროლი;
 ყვავილს მზისა სხივთ ნაქუქი ზედ ეფრქვეოდ-ემსხვრეოდა,
 ქალს კი ყორნის თმა-ნაწნავი მოქნილ ტანზე ერხეოდა;
 და ვერ ვიტყვი ქალმა ვარდი თუ იმ ვარდმა ის გაჰქურდა?!.
 და მომწყურდა მათი ხილვა, მათი ხილვა მეც მომწყურდა.
 და ოცნებით მიველ ქალთან... მიველ ქალთან და ეს ვკადრე:—
 მითხარ, ქალო! მითხარ, ქალო! რა დასკვნება უფრო აღრე—
 ეგ ყვავილი მოქალწულე, ქალწულ ბაღში გადარგული,
 თუ ეგ გული?!. თუ ეგ გული?!..

გრიშაშვილი.

სხვა და სხვა სისტემით


(მოთხრობა რაწლებიან)

— თქვენ ცოლს ირთავთ, ყმაწვილო კაცო?
 — გირჩევთ მოიგონოთ შილერის ლექსი: „ჯერ მოი-
 ფიქრე, ასწონ-დასწონე სუყველაფერი...“ მეტადრე ის შეიტ-
 ყე დანამდვილებით, თუ რასის-
 ტეით ხელმძღვანელობს შენი
 გულის სატრფო,—იმ სისტე-
 მით, რითაც შენ, თუ სხვა რამ
 გვარით?! გიკვირთ ჩემი რჩევა?
 მაშ, ავიხსნით. სულ რამდენი-
 მე დღეა მას აქეთ, რაც ამაში
 დავრწმუნდი ჩემი ძმისწულის
 შესახებ. საწყალი ყმაწვილი, მე
 ძლიერ მებრალევა. ქალი მშვე-
 ნიერი იყო და უთუოდ ბედნი-
 ერებიც იქნებოდნენ, რომ... და
 აი ამ შემთხვევაზე მინდა გიამ-
 ბოთ. ასე იყო საქმე.

საქორწილო ეტლში ვისხე-
 დით ოთხნი და მივაქროლებ-
 დით ოლქის კანცლარიისაკენ.
 მე და ჩემი მეგობარი, რო-
 გორც მოწმენი, ჩემი ძმისწული
 —ვაქარი ყმაწვილი კაცი, რო-
 მელსაც ამ ქალაქში ჩემის მეტი
 მახლობელი არავინ გააჩნია
 და რომლისათვისაც მე ვიკისრე
 ეს მძიმე თანამდებობა და ჩემ
 მეგობარსაც მოვუხმე ამისათ-
 ვისვი.

ჩვენ არ გვებიტნავენოდა ეს მეგვარეობა, ხომ მოგესხე-
 ნებათ ყოველთვის კაცმა არ იცის, თუ რა გამოვა ამ ჯვრის
 წერიდან, მაგრამ გულს იმითი ვინუგეშებდით, რომ ჩემმა ძმის-
 წულმა, ბედნიერებით აღვსილმა საქრამომ, საქორწინოდ იყი-
 და მშვენიერი ძვირფასი ღვინოები... და მთელი საღამოც ჩვენ
 შეგვეძლო მშვენიერი პატარძლის ცქერით გაგვეტარებინა.


რომ იცოდეთ, რა ცუგრუმელა რამ მოხვდა ბაღში ჩემ
 ძმისწულს! ობოლი... მშვენიერად განათლებული—უმადლესად
 განათლებული კი არა, ნამდვილად განათლებული, გამოსაყე-
 ნებელის კოდნით აღჭურვილი: იცის ხარშვა, იცის ბულალ-
 ტერია, და ჯამაგირშიც არის. ამასთან არის მხოლოდ ოცდა
 ერთის, თუ ოცდა ორის წლის ბაღლი! შეხედულობა ხომ რაღა!



ფერდინანდ-ავგუსტ ბებელი,
გერმანიის სოც.-დემოკრ. ბელადი.
(გარდაიცვალა ციურისში 31 ივლისს 1913 წ.)

თვალები, თმები, სუყველაფერი,
 ერთის სიტყვით, თავისი სა-
 კუთარი, არა მიღებული. მოკ-
 ლედ რომ ვსთქვა—მე თვითონ
 მზად ვიყავ შემყვარებოდა ის
 მშვენიერი, მხოლოდ, შეხედუ-
 ლობა როგორც თავისებური,
 ჯიუტი ჰქონდა; ეტყობოდა,
 სხვის ტაშზე ხტომას არ დაიწ-
 ყებდა. თუმცა ჯიუტობით ჩემი
 ძმისწულიც გზას არავის დაუთ-
 მობდა, მაგრამ მე ვფიქრობდი,
 ჯიუტობა იმათ ხელს არ შე-
 უშლიდა, რადგან მათ შორის
 სიყვარული ბატონობდა. შე-
 ჯიბრება ხან-და-ხან ურიგოც
 არ არის. მაგრამ ერთმანეთის
 გაცნობისთვის იმათ დრო არა
 ჰქონდათ. სულ ორ თვენახევა-
 რია, რაც გაიცნეს ერთმანეთი;
 ორი თვეა, რაც დაინიშნენ და
 მესამის დასაწყისში ჯვარის წე-
 რასაც შეუდგენენ. ამ გარემოება-
 ში აბა კეთილი რა წარმოსდგე-
 ბოდა. კიდევ კარგი, რომ შედა-
 რებით მაგდენი არაფერი და-
 შავდა.

მაშ ასე, ჩვენ მივქროდით ეტლით, ესე იგი, მე და ჩემი
 მეგობარი მოწმებად და ისინი კი თავისთვის; ჩვენ ყურადღე-
 ბას არც კი გვაქცევდნენ, ჩვენც გვესმოდა ეს გარემოება და
 ჩუმად ვისხედით, გერონგი იქნება ფიქრობდა თავის საქმეებ-
 ზე, იქნება არაფერზედაც არ ფიქრობდა, მე კი ვსტებოლი



თამარის ციხე, აწყურის მახლობლად. (ახალც. მახრა).

ჩემის მტრედების ცქერით და ოდნავ ყურს ვუგდებდი იმათ ლულუნს. ვნახოთ, იმათ ლაპარაკმა საერთოდ საინტერესო მიმართულება მიიღო; მე ყურები ვცქვიტე.

— მე სრულიად არ ვიცოდი, რომ შენ სტენოგრაფია იცი! სწორედ ოქროს ხელები გაქვს, რა არ იცი შენ! რომ მცოდნოდა, ხომ წერილებს სტენოგრაფიით მოგწერდი. მე ძლიერ მოხარული ვარ, რომ ეხლა მაინც შევიტყე. ჩვენი ბედნიერება ამ შემთხვევით უფრო გაღრმავდება. რა დახმარებას გამიწევს რომ იცოდე, როდესაც საქმის ქაღალდები მომიგროვდება. მე შენ გიკარნახებ და შენ კი ხელად მანქანაზე ააწყობ.

— დიდის სიამოვნებით, უპასუხა მარგარიტამ.

— მეც ვიცი სტენოგრაფია, მაგრამ ასე კარგად არა, როგორც შენ გეცოდინება, თუმცა მე თავმჯდომარე ვარ უდიდესის სტენოგრაფიის საზოგადოებისა ჩვენს ქალაქში.

— თქვენ ხმარობთ შტოლცე-ბრეის სისტემას, რასაკვირველია, შენიშნა სასძლომ.

— არა, გაგელსბერგისას—უპასუხა, საქრმომ ზე თვალეში შეაჩერდა.

წინად ისინი ერთმანეთან მიკრულნი ისხდნენ, ეხლა კი ოდნავ განშორდნენ.

— გაგელსბერგისას?—ჰკითხა მარგალიტამ ოდნავის ტუჩის აბზეკით. განა შეიძლება კიდევ ხმარება, მაგვარის დაძველებულის სისტემისა?

— დაძველებულის სისტემისა? რას ამბობ, სულა ჩემო! ეგ ერთად-ერთი სისტემაა ნამდვილი და სრული. იმეტომაც მრავალი მომხრე ჰყავს ყოველგან.

— იქნება, მაგრამ იმან უნდა დაუთმოს ჩვენისას, რომელიც ნელ-ნელა, მაგრამ მტკიცე ნაბიჯით გასდევნის ყველა სხვას. ყველა, ვინც დროს მისდევს (და მე შენც იმათ შორის გთვლი, რასაკვირველია) ხმარობს იმ სისტემას, რომელსაც ეკუთვნის მომავალი გამარჯვება და მამასადამე, შტოლცე-ბრეის აძლევეს უპირატესობას.

მე ძლიერ შევშფოთდი, ვგრძნობდი, რომ საკარე ენთებოდა.

— ჩემო კარგებო,—შევაწყვეტინე,—დღეს თქვენი ქორწინებაა, სხვა და სხვა სისტემის უმჯობესობაზე შევიძლიანთ

იბასათ შემდეგ პირველი თვის ბედნიერებისა. წერილების წერა ერთმანეთთან ხომ აღარ დაგვირდებათ და მდივნის თანამდებობაზედაც უარი შეგიძლიან განუცხადო შენს მეუღლეს.— მივმართე მარგარიტას. რაც შეეხება გილსბერგს და შტოლცე-ბრეის განა სულ ერთი არ არის შტოლცე-ბრეი, თუ, გაგელსბერგი? ეტლი შესდგა. ეს მე ძლიერ გამეხარდა, შევედით ოლქის მმართველობის კანცელერიაში. წინ მიდიოდნენ ისინი ხელი-ხელ გაყრილნი, ჩვენც უკან მივსდევდით. შესანიშნავი წამი იყო. უცებ, წარმოიდგინეთ, ჩემი ძმისწული—დასწყევლოს ეშმაკმა, თითქო ალთქმის სათქმელად მოემზადა და წარმოსთქვა:

— იცი, ძვირფასო ბიძია, შენ სცდები: სულაც ერთი არ არის ის, თუ რომელ სისტემას ემხრობი. გილსბერგს მომატებულად შემოკლებული წინადადებები აქვს და ბევრად ნაკლები—გაუგებრობა...

მაგრამ ძლიერ ძნელია შესასწავლად, უპასუხა სასძლომ.

— სრულიადაც არა, ეგ შეცდომაა! მე, ძვირფასო მარგარიტა, დიდს სიამოვნებას განვიციდი, როდესაც შეგასწავლი ჩვენს სისტემას. გააწყვენებ, ორის თვის შემდეგ შენ შესძლებ წერას წამში 150-დან 200 სიტყვისას.

მე გავცეცხლდი.

— სულელი ხარ—ვუყვირი მე,—რა დროს ორი თვეა? ვასწი წინ, ხმა აღარ ამოიღო.—და ხელი ვკარ დაარბაში შესასვლელად. იქ გველოდა მოხუცი მოხელე, რომელმაც მაშინვე მიმართა იმათ კითხვით: თქვენ ასე და ისე... მე ყურს არ ვუგდებდი, მე ვანხლობდი ჩემ ძმისწულზე და გულში ვამობდი: „ოჰ, რა სულელია, რა რეგენი,—იმას უნდა, რომ ცოლი, (ხომ ამ წამში იმის ცოლად უნდა გახდეს მარგარიტა) ეხლავე სწავლაში ჩასვას; განა კოტა საქმე ექნება, საწყალს, ოჯახში!..“ მაგრამ აქ შესწყდა ჩემი ფიქრები. დრო იყო ხელის მოწერისა. საქრმომ მოაწერა კიდევ და კალამი სასძლოს გადასცა. ისიც დაიხარა წიგნზე, (რომ იცოდეთ, რა მშვენიერი რამ იყო ამ დროს! ნამდვილი ანგელოზი იყო, ნამდვილი!) ამოაწო კალამი მელანში,—მაგრამ შესდგა, თავი მალა აიღო, ღიმილით შეხედა ჩემს ძმისწულს და ჰკითხა:

— ალფრედ, გიყვარვარ?

— მთელ ქვეყნიერებას მიჩრევენხარ,—მიუგო მან.

— თანხმა იქნები ცეცხლში გადავარდე ჩემთვის?

— წყალშიაც!—ალტაცებით მიუგო ალფრედმა.

— ოჰ, მაგდენს ვერ მოგთხოვ, მაგრამ მანდა კი, რომ დასამტკიცებელი საბუთი...

— როგორიც ვნებავს,—შეჰყვირა ჩემმა ბოჩოლამ.

— კარგი—უთხრა მარგარიტომ — მხოლოდ მიატოვე გილსბერგის სისტემა.

— რა?!


— შტოლცე-ბრეის მიჰყე ხელი.

ძმისწულს შუბლზე ცივი ოფლი წამოადგა.

— არა!—წარმოსთქვა იმან,—არა! სხვა სუყველაფერი, რაც გინდა, მარგარიტა, მხოლოდ ეგ არ შემიძლიან...

— ძრიელ კარგი,—უპასუხა კუდიანმა—ჩვენი, საქმე იშლევა, მე არ ვაწერ ხელს...

უნდა დაგენახათ რა მოუვიდა დარბაისელ მოხელეს! უთუოდ ამ გვარი შემთხვევა არას დროს არ შეხვედრია თავის



სოფ. ხერთვისი, ასპინძის მახლობლად.

დიდი ხნის გამოცდილებაში. მე საჩქაროდ შეუდექი ახსნას იმისას, თუ რაში იყო საქმე. მოხელე შეუდგა იმათ მორჯულებას: ჯერ ეხვეწა ქალს, მერე ვაჟს, მაგრამ არც ქალმა და არც ვაჟმა არ ისურვეს სიტყვის უკან წაღება.

— სულელო, ვეუბნები ძმისწოლს, განა შეიძლება ამისთანა მშვენიერებას კაცმა რამეზე უარი უთხრას? ჩქარა დასთანხმდი და წავიდეთ სადილი გველის... საშინლად მშიან...

— ბიძია, — მეუბნება ის, ისეთის კილოთი, თათქო სარწმუნოებისთვისა აწამებდნენ, — ეს ჩემი რწმენის წინააღმდეგ იქნებოდა. მე როგორც თავმჯდომარე მთელის საზოგადოებისა, მოვალე ვარ დავიცვა...

— მოწყალეო ხემწიფევე, — ეუბნევა იმას მარგარიტა და და თან თვალებიდან სიბრაზის ცრემლები სცვივა, — ეგ თქვენი უკანასკნელი სიტყვაა?

— მარგარიტა, — ძვირფასო! — და მზათ არს ქალს წინ მუხლებზე დაეცეს.

— უთუოდ უნდა შეისწავლო ბრეიე.

ალფრედი ტუჩებს აცმაკუნებს... რიდასიც თქმა უნდა... აი თითქო უნდა დასთანხმდეს... სთქვას „დიახ“... მაგრამ აგონდება თავისი „მოვალეობა“, წმინდა მოვალეობა, სისტემისა იმარჯვებს და მკაფიოდ იმეორებს:

— არას დროს!
ალქაჯი წელში გასწორდა, დაბლა თავი დაგვიკრა და წარმოსთქვა: „გისურვებთ, ბატონებო, ყოველ სიკეთეს“ და გაბრუნდა.


■ ძმისწული გაფითრდა. მე უნუგეზოდ დავეშვი სავარძელში. მოხელე პირ დადებულ სის... და მხოლოდ ჩემი შეგობარი გერონდი არ შეკრათა.

— მე დავაბრუნებ, — სთქვა მან და ქალს გამოუდგა. გერონდი გამბედავი, მარჯვე კაცია, სუყველაფერს მოაწყობსო, მაგრამ ორი წამის შემდეგ ის მარტოდ-მარტო ბრუნდება ოთახში.

— არა, ბატონებო, იმას ვეღარ მოვეწვიეთ... ის ეკიპაჟით წაბბანდა და ჩვენ ფეხით მოგვიხდება სახლში დაბრუნება.

ასე, ჩემო ბატონო, მას აქეთ ის ქალბატონი ჩვენ აღარ

გვინახავს და ყველაფერი გათავდა. სალაპომდე ჩვენ ნელ-ნელა შევექცეოდით ქარწილისთვის გამზადებულ ღვინოს და თან ვარიგებდით ჩემ ძმისწულს, ისე როგორც ეხლა თქვენ: „ვი-საც ცოლის შერთვა უნდა, მან წინდაწინვე უნდა დანამდილებით იცოდეს, თუ რა სისტემით ხელმძღვანელობს მისი მამავალი მეუღლე“, თორემ!..
ე.კ. გაბაშვილისა.



გაფრთხილება

(გიუ-დე მოპასხანისა)

ამ დღეებში ერთი ფრიად საყურადღებო „წერილი“ მივიღე. მსურს ეს წერილი გავაცნო ჩემს მკითხველებს დარწმუნებული ვარ, იგი ბევრს მათგანს დიდს სარგებლობას მოუტანს.


* *

პარიზი, 15 ნოემბერი 1886 წელს.

მოწყალეო ხელმწიფევე!
ვინაიდან თქვენ ხშირად სწერთ თანამედროვე საზოგადოებრივ ზნეობაზე, ნება მომეცით მოგაწოდოთ ზოგიერთი

ისეთი აზრი რომელიც წერილის, ან მოთხრობისთვის მასალად გამოგადგებათ ცოლი არა მყავს. მგონია, რამდენადმე გულ-წრფელი ადამიანი უნდა ვიყო. ფიქრობ, ასეთი გულ-წრფელობა მარტო მე კი არა მჩვევია, არამედ კაცების დიდს უმრავლესობასაც. ჩემს მოკმედებაში ყოველთვის, ან უკედ ვსთქვით, თითქმის ყოველთვის გულ-ახილი ვარ. აი, სწორედ ეს არის მიზეზი, რომ ხშირად ჩემს წინააღმდეგ მომართულს ვერაგობას ვერ ვამჩნევ. გაბედულად მივისწრაფვი წინ, უკან არ ვიციკირები და არ ვსცდილობ საგანთა და მოვლენათა ნამდვილ ხასიათის გაგებას.

ჩვენ ყველას ხშირად მოჩვენება სინამდვილედ მიგვაჩნია, ადამიანზე აზრის შედგენისათვის მარტო მის გარეგნობით ვხელმძღვანელობთ. ჩვენში ძლიერ ცოტანი არიან დაჯილდოებულნი ისეთი გამჭრიახი გრძობით, რომ სისწორით გამოიცნონ დაფარული ბუნება ადამიანისა. ამ გარემოების მიხედვით, ჩვენ, როგორც ბრძა თხუნელები, ვერ ვამჩნევთ სხვა და სხვა მოვლენათ ვერ ვხედავთ იმას, რაც ნამდვილად არსებობს და მხოლოდ იმას-ღა ვამჩნევთ, რაც ჩვენ არსებულად გვეჩვენება.



ბიეთის ტაძარი (აწყურის საზოგადოებაში).

თუ ვინმემ აზხადა ფარდა და მწვავე სინამდვილედ დავგანახვა, არ დავიჯერებთ და ყიჟინას დავაყრით. რაც ჩვენის ზნეობის თვალსაზრისს ეწინააღმდეგება, გამოჩაკლისად მიგვაჩნია, თუმცა ასეთ გამოჩაკლისთა ჯამი ფაქტების რიცხვს ბევრად აღემატება. აქედან თავის თავად ცხადია, რომ ჩემისთანა გულ-ახილობეს ყველა იბრიყვებს და განსაკუთრებით კი ქალები. ისინი ამაში ხომ ძლიერ დახელოვნებულნი არიან.

ეხლა იმ შემთხვევაზე მოგახსენებთ, რომელიც კერძოდ მე წემებება.

მე მყავს საყვარელი — ქმრინი ქალი. როგორც ყველა მამაკაცებს ჰგონიათ, მეც ვფიქრობდი, რომ ახალგაზდა ქალი პირველად ჰლაღატობდა თავის ქმარს.

ჩვენს შუა დიდხანს დარჩა კარგი განწყობილება. დარწმუნებული, რომ მისი გული სიყვარულით მოვიგე, მისდამი დიდს თავაზიანობას ვიჩენდი და თავი ფრთხილად მექირა.


ეხლა მოგახსენებთ, რა მოხდა წარსულ კვირაში. ამ ქალის ქმარი საღაც წავიდა რამოდენიმე დღით. ქალს აზრად მოუვიდა ჩემთან ესადილნა. ოთხი თუ ხუთი თვის განმავლობაში მას განუყრელად თან სდევდა აზრი, — დამთვრალიყო.

ხშირად ყოფილა ხოლმე ასეთ მდგომარეობაში და ძალიან სასიამოვნოდ მიაჩნდა. დღეს კი უზომოდ დათრობა გადასწყვიტა.

სახლში სთქვა, ნაცნობებთან მივდივარო და სადილობისას მესტუმრა.

ცხადია, ქალს ვაციებულ შამპანიურს თუ მიაწოდებ უარს არ გეტყვი; და იმანაც გადაჰკრა კარგა მოზრდილი ქიქა და გამხიარულება დაეტყო. სადილი მზად იყო: ის სვამდა შამპანიურს გაძალეებით. მის გავლენის გამო გააბა განუწყვეტიელი ტიკტიკი. მომითხრობდა თვის ქალწულობის დროზე; თვალები თან-და-თან აენთო, ლაპარაკის მადა მოუვიდა, მოგონებანი წყაროს ნაკადივით მოდიოდა. დრო-გამოშვებით მკითხავდა ხოლმე, — ხომ არ დაემთვრალვარო, როცა ვუპასუხებდი, არაო, ისევე განაგრძობდა სმას:

ცოტა ხნის შემდეგ ისე დათვრა, რომ, თუმცა გრძობა კიდევ საღი ჰქონდა, მაგრამ გულ-ახილობა კი ბევრად მოქეტებული.



ებლა თავის ქმრის ხასიათზე მომიტხრობდა. ყოველივე საიდუმლო გადმოძკა, თანაც ხშირად იმეორებდა: „მე მგონია შენთან ყველაფრის თქმა შემძლიან; სხვას ვის ვეტყვი, თუ არა შენა?“

ნათქვამიდან გავიგე მისი ქმრის მთელი შინაური ცხოვრება: ზნი-ჩვეულება, სისუსტე და კიდევ ბევრი უფრო საიდუმლო რამეებიც. დარწმუნებული, რომ თანაუგრძობდნენ, ის ხშირად მკითხავდა ხოლმე: „როგორ იტყვი, ხომ უფრო კაცი ყოფილა ჩემი ქმარი? მითხარით, თუ კაცი ხართ, განა შეეძლო მას ჩემი დაკმაყოფილება?“

ა?... როგორ ფიქრობთ? მითხარით... შეეძლო?
როდესაც შენ დაგინახე, მაშინვე ვსთქვი. „აი, ეს კაცი მომწონს და ჩემი საყვარელი უნდა გახდეს-მეთქი. შენც დაიწყე არშიყობა...“

ამ სიტყვებზე, ალბად, სასაცილო სახე მივიღე; მან შეამჩნია ეს და უეცრად სიცილი მორთო, თან ამბობდა: „და შენ კი, დოკლავა, ყოველივე სიფრთხილეს ხმარობდი; კინაღამ თავი დაგანებე. იცოდე, თუ ჩვენ გვეარსებებოდნენ, იმიტომ, რომ ჩვენვე აგრე გვსურს... და, რადგან ეს ასეა, სიფრთხილე აქ საჭირო არ არის, გაბედულება უფრო ხელსაყრელია. კაცი უნდა უგუნური იყოს, რომ თვალში ვერ ამოიკითხოვს ჩვენი სურვილი... და შენ კი... ჩემს წადილს ვერ მიხვდი და ყვავილებით, ლექსებით და ქათინაურებით მიმასპინძლებოდი ახ! როგორი მხალისი ხარ!.. როცა ვიფიქრებ, რომ მამა-კაცების ერთი ნახევარი ასეთია, როგორც შენ მხალისები... სამაგიეროდ მეორე ნახევარი... ხა... ხა... ხა...“

მთელ ტანში ჟრუანტელმა დამიარა. „მეორე ნახევარი?... მეორე ნახევარი როგორი-ღაა?“ ვკითხე მე. პასუხი არ გამცა, მხოლოდ ცოტა ხნის შემდეგ განაგრძო: „მეორე ნახევარი... ისინი არ იგვიანებენ... ის კი არა კიდევაც ჩქარობენ, მაგრამ რა?... ძლიერ კარგად იქცევიან... ნეტავი იცოდე, რა სასაცილოა, შეადარო ორი მამა-კაცი... მხალისი, მორცხვი; აი, სწორედ ასეთი, როგორც შენ; რომელიც თავის დღეში ვერ წარმოიდგენს, როგორ იქცევიან სხვები, როცა ჩვენთან მარტო დარჩებიან ხოლმე. ოოხ! ისინი სწორედ ვაჟ-კაცები არიან! თუმცა ასეთ თავხედობისათვის ქალები მათ ხშირად ცუდად უმასპინძლებიან, მაგრამ რა უშავს! ეს არაფერია!.. კარგად იციან, რომ ჩვენ ლაყობა არ გვიყვარს; კარგად გვიცნობენ.“

საშინელ გამომეტყველებით ვუცქერდი ამ ქალს. დიდი სურვილი მქონდა, ყველაფერი მეთქმევინებინა, ყველაფერი გამეგო ხშირად ვეკითხებოდი ჩემს თავს: „როგორ ეპყრობიან მამა-კაცები ქალებს... ჩვენს ცოლებს... დებს?...“

როდესაც დაგინახავდი ორ კაცს, ერთ ქალთან მოსაუბრეს, ვიფიქრებდი, რომ, თუ რომელიმე მათგანი ამ ქალს განმარტობდა ხელთ იგდებდა, სულს სხვანაირ ქცევას გამოიჩენდნენ, სხვანაირი ლაპარაკი გაიშარებოდა მათ შორის. პირველსავე შეხედვაზე იცნობთ მამა-კაცს, რომელიც თითქოს იმისთვის არის გაჩენილი ამ ქვეყანად, რომ ხელსაყრელ შემთხვევებით ისარგებლოს. ასეთი მამა-კაცები ჩვენზე უფრო ცქვიტები და გულადები არიან და ქალებთან ერთ საათს იმასვე აღწევენ, რასაც ჩვენ ერთს წლის განმავლობაში ვერ მოვახერხებთ.

როგორ იქცევიან ეს მაცდურები ხელსაყრელ შემთხვევის დროს? ნუ თუ სრულს თავისუფლებას აძლევენ თავიანთ თავს? ჰკოცნიან?... ნუ თუ ისეთ რამეებს სჩადიან, რაც ჩვენ, მხალისებს, დიდ შეურაცყოფად მიგვაჩნია?... ქალები?... ისინი რას ეუბნებიან?... მოსწონთ ეს?... იქნება აპატიებენ კიდევ ასეთ გაბედულებას? ვკითხე: მამა-კაცებს შორის, ალბად, ბევრი გაუზრდელი და ტუტუცი არის, არა?
ამ სიტყვების პასუხი ხანგრძლივი ხარხარი იყო. როცა ქალი დაწყნარდა განაგრძო:

„შენ მეკითხები, მამა-კაცებს შორის ტუტუციები არიანო? ან სხვანაირად რომ ვთქვათ:— ისეთები, ვინც ყველაფრის ნებას აძლევენ თავის თავს, ყველაფერს სჩადის?... ყველაფერს, რაც შენ ვერც კი წარმოგიდგენია... და შეიძლება კიდევ მეტსაც?...“

ამ აღსარებამ ჩემზე ძლიერ ცუდათ იმოქმედა, ვკითხე: „მე რე განა თქვენ აძლევენ ამეების ნებას?“

— არა, რასაკვირველია, იმათ სილით არ ვისტუმრებთ... ისინი თუმცა ტუტუციები არიან, მაგრამ საქმეც ის არის, რომ მათ ჩვენ თქვენზე უფრო ვუყვარვართ.—მეწყინა, მე უცოლო ვარ და ცოლის შერთვას აღარ ვაპირებ, მაგრამ ამ ურცხვ აღსარების გაგონებაზე ჩემში გალანძღულ ქმრის თავმოყვა-

რობამ გაიღვიძა. მეგობრობა ვიგრძენ და ყველა იმ ქმრებისადმი, რომელთაც ასე უსიკრებოდ, ასე შეუბრალებლად ძარცვავენ და ატყუილებენ ცოლები.

აი, სწორედ, ამ გარემოებამ ჩემზე იმოხენად იმოქმედა, რომ მაიძულა კალმისთვის ხელი მომეკიდნა და აქვენი შემწევობით გაფრთხილება მიმეცა გულ-უბრყვილო ქმრებისთვის. ვყოყმანობდი, არ მჯეროდა მთვრალი ქალისაგან წამონასროლი სიტყვები. ვკითხე: „რატომ არის, რომ არავინ თქვენგანი ასეთ რამეებს არასოდეს არავის უამბობს?“ ქალმა „შებრალებით შემომხედა და მიპასუხა: „მეკითხებით, რატომ? ოჰ! როგორი წრფელი ყოფილხარ, ჩემო კარგო! ნუ თუ შენა გგონია, რომ ამაზე ლაპარაკი შეიძლება!.. ხა... ხა... ხა!.. ჰო! თუმცა ქმარს უფლება არა აქვს უკმაყოფილება განაცხადოს... რადგან... ჩვენ... ბევრის ნებას არ ვაძლევეთ. მაგრამ შენ კი მეტის-მეტი გულ-ახილი ყოფილხარ! ამაზე ლაპარაკი რა საჭიროა; რეგვენ ქმრებს დააფთხობს და საქმეს კი არას შესძენს. ან და რა საჭიროა ასეთების ლაპარაკი? რა დიდი შეცოდებაა... თუ არ... გადავამეტებთ?...“

„მაშ, შენ გკოცნიდნენ?“ ვკითხე.
მან მომპაპრო ზიზლით სავსე თვალები, რომლებიც მეუბნებოდნენ, რომ ამის კითხვაც მეტიაო და განაგრძო: „ღმერთო ჩემო! განა ყველა ქალებს არა ჰკოცნიან?... აბა თვითონ სცადე ვისმეზე. აი თუნდაო X-ს ცოლზე. მშვენიერი ქალია, ახალგაზდა, ლამაზი, როცა შეგხვდეს, უსათუოდ აკოცე! ნუ შეგრცხვება! მაშინ ნახავ, რომ ხა... ხა... ხა!“

სიცილის დროს უეცრად სასასმომ აიღო და რაც ძალიდა-ლონე ჰქონდა სანთელს შესტყორცნა. სანთელი ჩაჰქრა შემდეგ ბოთლს წაავლო ხელი, მაგრამ სწრაფად გამოვსტაცე დაიწყო ყვირილი; ეტყობოდა ნერვები აეშალა...

გავიდა რამდენიმე დღე. ეს შემთხვევა თითქმის დავიწყებული მქონდა, როდესაც ერთ საღამოზე შეგხვდი X-ს ცოლს, სწორედ იმ ქალს, რომლის კოცნა მიჩნია ჩემმა საყვარელმა ქალმა, ვსთხოვე ნება მოეცა, გამეცოლებინა. იმანაც დიდის სიამოვნებით თანხმობა განაცხადა. როდესაც ეტლში ჩავსხედით, გადავწყვიტე რჩევა მესინჯა. გაბედულება მაკლდა: არ ვიცოდი, საიდან დაიწყე, რომ საქმეს სასურველი მიმდინარეობა მიეღო. პატარა ხნის შემდეგ გაბედულება მომემატა. პირველად ქათინაურებით მივმართე: „სწორედ მშვენიერება იყავით ამ საღამოს!“

მან სიცილით მიპასუხა: „მაშ, დღეს განსაკუთრებით შემთხვევაა, რადგან თქვენ პირველად შეამჩნიეთ“ მე არ ვიცოდი რა მეპასუხნა: „სრულიადაც არა! მე ვერ გავხვდეთ თქვენთვის ეს წინეთ მეთქვა...“

— რატომ?—მკითხა მან გაკვირვებით.
„იმიტომ, რომ... მეძნელებოდა, მრცხვენოდა.“
— გეძნელებოდა გეთქვა ქალისათვის, რომ ის ლამაზია? რას ამბობთ? ეს ქალს ყოველთვის უნდა უთხრაო, მაშინაც კი, როდესაც თქვენვე არა ხართ დარწმუნებული; უნდა უთხრაო, იმიტომ, რომ ქება ჩვენ გვისიამოვნებს.—

გაბედულება შესაძენევად მომემატა. მთრთოლვარე ხელები მოვხვიე მის ღერწამივით ჩამოსხმულს ტანს და მძლავრად ჩავიკარ გულში, თან გაშმაგებული ვიძებდი მისს ტუჩებს, რათა მხურვალე კოცნა აღმებეჭდა მათზე.

ალბად, შესაფერად ვერ მოვიქცე: ქალმა პირი განზე მიიბრუნა და სთქვა: „ახ! არა! არა!.. ეს მეტის-მეტია! მეტის-მეტი... აგრე აჩქარება... გაფრთხილდით... ასე თმას ვამიშლით... მოხვება განა ეგრე უნდა!.. როცა ქალს თმა ამ რიგად აქვს გაცემებული.“ განვმორდი და ჩემს წინანდელ ადგილზე დაჯექი. ეტლი გაჩერდა მისი სახლის შესავალთან. ქალი გადმოვიდა, გალომეშვიდობა და მოფერების კილოთი მიტხრა: „დიდად გმადლობთ გამოცილებისათვის! ჩემი რჩევა არ დაგავიწყდეთ!“

რამდენიმე დღის შემდეგ ისევ შეგხვდი ამ ქალს. ის შემთხვევა სრულიად დავიწყებოდა...

მე კი, ჩემო ბატონო, თავის დღეში არ დამავიწყდება... ყოველთვის თვალ-წინ მიდგას ისეთი მამა-კაცი, რომელიც შემთხვევით შესაფერისად სარგებლობს და თან თმაზედაც ზრუნავს.

* * *
ამ წერის განუმარტავად ვაწვდი მკითხველ საზოგადოებას: ვაჟებს და ქალებს, ცოლიანებს და უცოლოებს, ქრმინებს და უქმროებს.
Fon.